

榆社縣志卷十

災祥

明

洪武二十六年四月丙申隕霜損麥

明史五行志

宏治八年四月庚申隕霜殺麥豆桑

明史五行志

萬曆丙午大有年

己酉三伏不雨秋大饑

庚戌夏麥災

辛亥大饑

甲寅九月二十一日亥初地大震輒輒有聲如萬車奔放
河南街房塌百餘間十月二十三日子時復震

戊午六月二十六日卯時地震如雷東南有帚星

天啟辛酉夏五月大風拔木

壬戌大有年斗米四十錢

癸亥邑人牛一中妻一產三男

甲子天上白氣如刀

丙寅六月初四日子時地大震有聲如雷

崇正戊辰夏麥秀兩歧秋禾一莖三穗

辛未夏六月大蝗冬大寒雪深五六尺樹多凍死
壬申城壕生蟹次年流賊大亂

乙亥大饑

戊寅正月朔日食夏有狼十數成羣在野噬人

辛巳鄧峪卹產雙頭牛又游聖恩家有牛作人語

壬午春不雨至六月初二日雨秋大熟

國朝

順治乙酉縣東二里產芝

戊子四月二十四日地大震

水經集注 卷之一
巳丑五月開桃花

丙申大饑九月開果花

康熙壬寅五月大雹無年

巳酉九月九日地大震

辛酉夏四月隕霜殺菽

壬子大風傷稼

癸丑春大雨夏大雨雹如雞子

庚子至壬寅俱無年

雍正癸卯有年

乾隆戊午清明日雨雹盈尺是歲有年

己未米大貴

癸亥正月大雪

辛巳閏六月十四日雨傷禾稼惟蕎麥雜蔬有收次年春
餓死人無算

戊戌閏六月八月初一日夜凍五穀皆壞

乙卯元旦日食

嘉慶元年五穀豐登

丙辰春大旱兩伏無雨秋淫雨八月二十三日大雪五穀

木元鼎志
卷之一
歉收

丁巳春夏旱秋多雨八月十七日地凍十月辛卯朔日食
戊午大有年

己未七月二十三日水成冰無年

辛酉正月二十一日夜地震二月雪深三尺

道光十五年大饑斗米一千二百文

咸豐元年有秋

咸豐五年暮春六日辰刻西周村定覺寺門口有古槐一
株上止一鳥大二尺餘羽翎潔白鮮明異常識者云是

鶴村人數百爭觀鳥不驚恐至酉刻方去

同治元年太熟

光緒丁丑年饑饉斗米二千人死無算

戊寅秋雨甚穀霉腐殆盡轉豐爲歉

己卯秋狼食人大府檄募捕殺計頭給賞獲狼多者並優
給功牌衣頂逾年患少息然猶時出傷人庚辰秋知縣
葛士達爲文牒呈 城隍神躬自默禱城鄉居民始獲
安堵

論曰災祥禍福之故雖曰天數豈非人事哉榆志記

自明以來五行之沴四時之愆以及鳥獸草木之異
書不一書

國家重熙累洽玉燭均調災異罕見光緒丙子戊寅全
晉荒旱當軸者饑溺爲懷

奏請

恩施百計拯救逾年歲收較稔民困漸蘇而戶口流亡大
半村舍零落狼鼠成羣食禾傷人亦變異之不數見
者傳云惟德勝妖晉民儉樸其失也徧往往以錙銖
之微互相睚眦甚至鬪訟雖至戚骨肉不復相顧戾

氣鬱積罹此鞠凶惟願司牧者躬先創率有以移易
澆風而居民亦各因變警惕洗滌積習馴致於孝友
睦婣和氣致祥休徵自至人心悔禍天意必轉故特
著於末篇以資省察

海士葛士達識

雜識

史記秦本紀攻趙閼與不能取孟康曰在土黨涅縣西趙
世家秦韓相攻而圍閼與括地志云閼與聚落今名烏
蘇城在潞州銅鞮縣西北二十里又儀州和順縣城亦
云韓閼與邑二所未詳趙奢列傳秦伐韓軍於閼與趙

王令趙奢將救之兵去邯鄲三十里堅壁留二十八日
不行秦間來入趙奢善食而遣之趙奢已遣秦間乃卷
甲而趨之二日一夜至今善射者去關與五十里而軍
軍士許厯諫曰先據北山上者勝正義曰關與山在洛
州武安縣西南三十里按括地志云言距秦軍在此山
疑其太近洛州既去邯鄲三十里而軍又云二日一夜
至關與五十里而軍據今洛州去潞州三百里恐潞州
關與聚城是所距據處後漢書地理志涅有關與聚山
海經謁戾之山有金玉沁水出焉郭璞曰在涅袁松節

國志涅有闕與予按榆社故涅地並無所謂闕與之聚
謁戾之山蓋榆社由涅縣所分涅地不止榆社謁戾闕
與當在武鄉沁州之間不敢附會也闕與音焉預

石勒字世龍上黨武鄉羯人也生時赤光滿室白氣自天
屬於中庭年十四隨邑人行販洛陽倚嘯上東門王行
見而異之長而壯大有膽力所居武鄉北原山下草木
皆有鐵騎之象家園中生人參花葉甚茂悉成人狀劉
元海稱漢王勒與汲桑乘苑馬數百騎赴之拜爲前隊
督尋以勒爲輔漢將軍平晉王太興二年稱趙王立宗

廟社稷勒令武鄉者舊赴襄國既至勒親與鄉老齒坐
歡飲語及平生初勒與李陽隣居歲常爭麻池迭相毆
擊至是謂父老曰李陽壯士也何以不來漚麻是布衣
之恨孤方崇信於天下豈讐匹夫乎乃使召陽既至勒
與酣謔引陽臂笑曰孤往日厭卿老拳卿亦飽孤毒手
因賜甲第一區拜參軍都尉命曰武鄉吾之豐沛萬歲
之後魂靈當歸之其復之三世勒雅好文學雖在軍旅
常令儒生讀史書而聽之每以其意論古帝王善惡嘗
使人讀漢書至酈食其勸立六國後大驚曰此法當失

何得遂成天下至留侯諫乃曰賴有此耳咸和五年即
皇帝位改元曰建平自襄國都臨漳謂徐光曰朕方自
古開基何等主也對曰陛下神武籌畧邁於高皇雄毅
卓犖超絕魏祖自三王以來無可比也其軒轅之亞乎
勒笑曰人豈不自知卿言亦以太過朕若逢高皇帝北
面而事之與韓彭競鞭而爭先耳脫遇光武當並驅於
中原未知鹿死誰手大丈夫行事當礪礪落落如日月
皎然終不能如曹孟德司馬仲達欺他孤兒寡婦孤媚
以取天下也在位十五年年六十死夜埋山谷莫知其

所備文物虛葬號高平陵子大雅嗣讓於石季龍

後周宇文顯上黨武鄉人也祖求南衛將軍冀州刺史父
金殿征南將軍定州刺史顯襲爵安吉縣侯永興三年
幽并飛揚有無君之心帝謂顯曰天下洶洶將若之何
顯曰擇善而從之乃誦詩曰彼美人兮西方之人兮帝
曰是吾心也乃定入關之策以顯母老家口衆令預計
顯曰今日之計忠孝不並君不密則失臣臣不密則失
身帝愴曰卿是我王陵遷朱衣直閣閣內大都督武帝
初至潼關太祖親迎溱水素知顯名而未之識也目於

衆疑而不割直云合此人射水傍小鳥應手即着太祖
曰我知卿名矣則用爲帳內都督未幾復以顯爲東夏
州刺史以魏後元年亡於同州

費志云此係庾信所撰墓志銘節略榆社在周魏尚
屬武鄉即以顯入榆志也可愚按武鄉志載與此略
同惟仕於魏孝武即位之初卒於魏恭帝元年是後
魏時人非後周時人至其子神舉始仕後周耳又周
書資治通鑑及煥開府集皆作字文顯和而通志榆
志止作字文顯似脫一和字未知孰是至其人之是
否爲榆社產應與
石趙並付傳疑

新唐書藩鎮列傳武宗詔奪昭儀節度使劉從諫子植官
勅諸軍進討於是河陽王茂元以兵屯萬善河東劉沔

守昴車閉壁榆社

谷應泰紀事本末成祖永樂十八年三月山東蒲臺縣妖婦唐賽兒作亂賽兒縣民林三妻少好佛誦經自稱佛母詭言能知前後成敗事又云能剪紙爲人馬相戰關來往益都諸城安邱莒州即墨諸州縣煽惑愚民於是姦民董彥杲等各率衆從之賊黨竇鴻等攻安邱知縣張旗縣丞馬撝集民夫八百餘人以死拒戰賊不能攻都指揮衛青備倭海上聞安邱圍急率千騎晝夜兼行奮擊敗之賊收餘衆再戰城中人亦鼓譟出擊竇鴻遁

去殺賊二千餘人生擒四十餘人皆斬之是日鰲山圍
指揮王貴亦以兵一百五十人擊敗賊衆於諸城山東
悉平初賽兒夫死祭奠回經山麓見石罅露石匣角發
之得妖書寶劍遂通曉諸術劍亦神物惟賽兒能用之
因削髮爲尼以其教施里閭間悉聽細民翕然從之官
捕之急賽兒遂反殺傷軍兵甚衆三司皆以不罕發繫
獄旣而捕得之將伏法怡然不懼裸而縛之臨刑刀不
能入復下獄鐵杵繫足俄皆自解脫遁去不知所終明
史衛青列傳帝賜書勞青擢山東都指揮史直指揮同